

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije Bosne i Hercegovine“, br. 12/03, 34/03 i 65/13), i čl 5., 22. i 23. Zakona o Pravobranilaštvu – Novi prečišćeni tekst („Službene novine Kantona Sarajevo“, br. 33/08 i 44/16), a u skladu sa članom 17. Odluke o Pravobranilaštvu Općine Centar Sarajevo („Službene novine Kantona Sarajevo“, broj 32/10, 50/15 i 10/17), Općinski načelnik raspisuje

JAVNI OGLAS

za imenovanje Zamjenika pravobranioca Općine Centar Sarajevo

NAZIV POZICIJE:

Zamjenik pravobranioca Općine Centar Sarajevo - 1 (jedan) izvršilac –imenovanje se vrši bez ograničenja trajanja mandata

OPIS POSLOVA:

Zamjenik pravobranioca vrši poslove iz djelokruga Pravobranilaštva Općine Centar Sarajevo koje mu odredi pravobranilac. U zastupanju pred sudovima i drugim organima zamjenik ima ovlaštenja pravobranioca, zamjenjuje općinskog pravobranioca u njegovoj odsutnosti ili spriječenosti u obavljanju poslova sa svim njegovim ovlaštenjima i odgovornostima.

Zamjenik pravobranioca obavlja slijedeće poslove: zastupa Općinu pred sudovima u zemlji i inostranstvu, zastupa Općinu pred organima uprave i drugim organima, pruža stručnu pomoć organima i pravnim licima koje zastupa pravobranilaštvo u rješavanju imovinsko-pravnih pitanja, daje pravna mišljenja na ugovore imovinsko-pravne prirode i opće akte kojim se uređuju imovinsko-pravni odnosi, prava i obaveze prema stvarima u vlasništvu Općine, te poduzima druge radnje iz nadležnosti pravobranilaštva.

OPĆI USLOVI:

- Da je državljanin Bosne i Hercegovine;
- Da je stariji od 18 godina;
- Da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od tri godine prije objavljivanja javnog oglasa;
- Da ne obavlja ni jednu drugu javnu ili profesionalnu dužnost, niti je član izvršnih tijela političke stranke;
- Da nije osuđivan za krivično djelo ili privredni prestup koji predstavlja smetnju za imenovanje na poziciju zamjenika Općinskog pravobranioca;
- Da se protiv kandidata ne vodi krivični postupak;
- Da nije obuhvaćen odredbom člana IX . 1. Ustava Bosne i Hercegovine;

POSEBNI USLOVI:

- VSS/VII, završen pravni fakultet, (diplomirani pravnik ili Bachelor prava sa ostvarenih 240 ECTS studijskih bodova Bolonjskog sistema studiranja);
- Položen pravosudni ispit;
- Poznavanje rada na računaru;
- Da ima iskustvo u radu na imovinsko - pravnim poslovima, u pravobranilaštvu, pravosudnim organima, drugim organima, preduzećima (društvima) i drugim pravnim osobama u trajanju najmanje tri godine nakon položenog pravosudnog ispita;
- Da je radeći u državnim organima i pravnim licima stekao ugled pravnog stručnjaka i da posjeduje najviše moralne osobine za obavljanje poslova zamjenika Općinskog pravobranioca;

Uz prijavu na javni oglas kandidati su dužni priložiti:

- Biografiju, adresu i broj kontakt telefona
- Diplomu o završenom pravnom fakultetu
- Uvjerenje o položenom pravosudnom ispitu
- Izvod iz matične knjige rođenih
- Uvjerenje o državljanstvu ne starije od šest mjeseci
- Uvjerenje o radnom iskustvu
- Uvjerenje da se protiv kandidata ne vodi krivični postupak
- Uvjerenje da kandidat nije osuđivan
- Uvjerenje da kandidat nije otpušten iz državne službe kao rezultat disciplinske mjere, u periodu od tri godine prije objavljivanja javnog oglasa (za one koji su u navedenom periodu radili ili još uvijek rade u državnoj službi) ili izjavu da nije radio u državnoj službi
- Izjavu da kandidat nije obuhvaćen članom IX. 1. Ustava Bosne i Hercegovine;

Dokumenti koji se prilažu moraju biti originali ili ovjerene kopije.

Po završetku izborne procedure, imenovani kandidat dužan je dostaviti ljekarsko uvjerenje o zdravstvenoj i radnoj sposobnosti, prije preuzimanja dužnosti Zamjenika općinskog pravobranioca, na koju stupa najranije u mjesecu septembru 2019. godine.

Prijave sa traženom dokumentacijom o ispunjavanju uslova oglasa dostaviti preporučenom poštom sa naznakom: „Prijava na javni oglas za imenovanje Zamjenika pravobranioca Općine Centar Sarajevo“ na adresu: Općina Centar Sarajevo, Mis Irby 1, Sarajevo 71000;

Javni oglas ostaje otvoren 15 dana od dana objavljivanja u „Službenim novinama Federacije BiH“, a biće objavljen u dnevnim novinama „Dnevni avaz“, i dostupan na službenoj WEB stranici Općine Centar.

Nepotpune i neblagovremene prijave neće se razmatrati.

OPĆINSKI NAČELNIK

Prof.dr. Nedžad Ajnadžić

Broj: 10-49-563/19

Datum: 24.05.2019.godine